


S I U M U T



Malittarisassat

Ataatsimeersuarneq
Qasigiannuit 2023



Imai

§ 1. Partiip siunertaa.....	3
§ 2. Ilaasortanngornermi piumasaqaatit	4
§ 3. Ilaasortat pisinnaatitaaffii.....	4
§ 4. Ilaasortaanermut akiliut aamma partiimut akileraarut.....	5
§ 5. Immikkoortortaqarfiit	6
§ 6. Ataatsimut siulersuisoqarfik	6
§ 7. Qinigassanngortitsinerit	7
§ 8. Taasisinnaatitaaneq qinigaasinnaanerlu	7
§ 9. Ataatsimeersuarneq	7
§ 10. Siulersuisuunerit	9
§ 11. Partiip qullersaqarfia aamma atsiorsinnaatitaaneq	11
§ 12. Ilaasortaajunnaarsitsineq	11
§ 13. Kommunini Siumup gruppiini maleruagassat.....	12
§ 14. Siumup Inatsisartuni gruppia.....	13
§ 15. Folketingi	14
§ 16. Nuna tamakkerlugu atuuttumik isumaqatigiissitsiniaasartut	14
§ 17. Immikkut aalajangersaanerit	15
§ 18. Malittarisassat akuersissutigineqarnerat	15

Siumup ilaasortai Siumut Partiimi katersuussimapput. Siumut partii tassaavoq Kalaallit Nunaanni nuna tamakkerlugu naalakkersuinerimik suleqatigiinnermi kattuffik, inuit ataasiakkaat peqatigiiffiillu katersuuffiat, partiimut atasuusutut akuerineqartut.



§ 1. Partiip siunertaa

Siumup anguniarpaa naqisimaneqanngitsumik inuillu susassareqatigiillutik ikioqatigiillutillu ineriartornissaannik eqqarsartaatsip siammariartortinneqarnissaa akuerineqarnissaalu, partiip naalakkersuinikkut anguniagai tunngavigalugit, aningaasarsiornikkut piorsarsimassutsikkut naalakkersuinikkullu soqutigisat tunngaviumik anguniakkat isummiussallu aallaavigalugit:

1. Pilersikkumallugit inuiaqatigiit ataqatigiissut, ilatsiinnartuunngitsut, kisiannili eqeersimaartut napasinnaalluartullu, inuiaqatigiittut akisussaaqataanertik qamuuna misigisimalluarlugu ilumoorfigalugulu innuttaaqataasut.
2. Pilersikkumallugit inuiaqatigiit nunamik tunniussinnaasai akisussaassuseqartumik atorluarlugit avataaniillu pisut pisariaqartitatik iluaqutigalugit imminnut napatissinnaalerlutillu aqussinnaalersimasut.
3. Pilersikkumallugit Nunatsinni inuiaqatigiit kikkunnut tamanut pitsaasumik atugassaqartitsisut naligiimmillu periarfissaqartitsisut.
4. Pilersikkumallugit Nunatsinni inuiaqatigiit naligiissitaaffiusut apeqqutaatinnagit sumi inunngorsimaneq, arnaaneq angutaanerluunniit kiisalu sumilluunniit upperisaqarneq.
5. Nunatsinni avatangiisit isumalluutillu uumassusillit piujuaannartitsineq aallaavigalugu nungutsaaliuinikkut paarilluarneqarnissaat.
6. Nunatsinni inuiaqatigiit akisussaassusermik, eqeersimaarnermik peqqinnermillu pingaartitsillutik kiffaangissuseqarlutillu ineriartornissaminnut pitsaasumik periarfissaqarnissaat.
7. Pilersikkumallugit Nunatsinni inuiaqatigiit nunarsuarmioqataasut unammillersinnaasumik ilinniartitseriaaseqartut.
8. Pilersikkumallugit Nunatsinni inuiaqatigiit aningaasaqarnikkut politikikkullu nammineersut.
9. Kalaallit Nunaata aqunneqarnerani ammasumik inuillu oqartussaaqataanerat pingaartillugu ingerlatsineq nukittorsassallugu.
10. Kalaallit Nunaanni Inuit pisinnaatitaaffii nunarsuarmioqatigiinnut tamanut atuuttut illersussallugit.



§ 2. Ilaasortanngornermi piumasaqaatit

Kikkulluuniit Siumup siunertaanik anguniagaanillu tapersersuisut ilaasortanngorsinnaapput.

Imm. 2. Partiimut ilaasortaaneq kommunerisami Siumup immikkoortorta qarfiisigut pisassaaq.

Imm. 3. Qinikkatut akisussaaffeqalerneq pissutigalugu kommunimut allamut nuukkallartariaqarsimagaanni, soorlu Inatsisartunngorneq Naalackersuisunngornerluunniit pissutigalugu immikkoortorta qarfik ilaasortaaffigisaq ilaasortaaffigineqaannarsinnaavoq.

Imm. 4. Inuit kommuninut agguarneqarnerup avataani nunanilu allani najugaqartut immikkoortorta qarfimmut partiilluunniit qullersaqarfiani ilaasortanngorsinnaapput. Partii siulersuisuunerisa nunani allani partii immikkoortorta qarfiinik pilersitsisinnaaneq akuersissutigisinnaavaat, assersuutigalugu inuit nunarsuaq tamakkerlugu kattuffissuarni suliffeqartut eqqarsaatigalugit. Partii siulersuisuunerisa immikkoortorta qarfiit pineqartut sinniisoqarfinnut aallartitaqarsinnaanerat, malittarisassaat il.il. aalajangersaaffigisassavaat.

Imm. 5. Ilaasortatut isigineqassaaq inuk ilaasortat allasimaffiannut nalunaarneqarsimasooq, ilaasortaaneq akiliutissaminik akiliisimasooq. Ilaasortaaneq ingerlatiinnarsinnaajumallugu ingerlaavartumik ilaasortaaneq akiliuteqartoqartassaaq. Ukioq ataaseq sinnerlugu ilaasortaaneq akiliuteqarnissamik kinguartoorsimagaanni, ilaasortaaneq pisinnaatitaaffii (taaseqataasinnaaneq aamma qinigassanngortissinnaaneq) atorunnaassapput, akileeqqittoqarnissaata tungaanut.

Imm. 6. Partiimi allami ilaasortaasimagaanni, naalackersuinikkullu suleqataalluni, imaluunniit Inatsisartunut qinersinermi kommunimulluunniit qinersinermi Siumut qinigassanngortiffiisa avataanni qinigassanngortikkaanni inuilluunniit allat qinigassanngortinniarnanni ikiuussimagaanni, Siumumi ilaasortaaneq atorunnaassaaq.

Imm. 7. Siumup gruppianit tunuartitaagaanni imaluunniit nammineerluni tunuaraanni, kisiannili kommunalbestyrelsimi, inatsisartuni folketingimiluunniit ingerlaannaraanni Siumumi ilaasortaaneq atorunnaassaaq.

§ 3. Ilaasortat pisinnaatitaaffii

Siumumi ilaasortaasut Naalackersuinikkut suliani aalajangersaasarnerni peqatigiiffittullu suleqatigiinnermi peqataanissamut aalajangersaaqataanissamullu pisinnaatitaaffeqarput.

Imm. 2. Siumumi ilaasortaasut Naalackersuinikkut suliaqarfinnut aqqissuussaaneq milu tatitigisaalluni suliaqarfiusunut allanut qinigassanngortitsinerni ilaasortat akiliisimasut tamarmik peqataanissamut pisinnaatitaaffeqarput.

Imm. 3. Siumumi ilaasortaasut Naalackersuinikkut qinigaaffinnut; Nunaqarfinni aqutsisunut, kommunalbestyrelsinut, Inatsisartunut Folketingimut allanullu qinigaaffinnut ilaasortat akiliisimasut qinigassanngortissinnaapput.



Imm. 4. Siumumi ilaasortaasut Partiimi tatigisaalluni qinigaaffinnut, assersuutigalugu immikkoortorta qarfinni siulersuisunut, kommunini ataatsimut siulersuisunut, imaluunniit partiip siulersuisuunerinut ataatsimeersuarnermulluunnit aallartitatut qinigassanngortissinnaapput.

§ 4. Ilaasortaanermut akiliut aamma partiimut akileraarut

Partii Siumup ataatsimeersuarnerani immikkoortorta qarfinni ilaasortat partiimut akiliutaasa angissusissaat aalajangersarneqartarpoq. Immikkoortorta qarfiit partiimut ilaasortaanerminnut akiliutissaat annertussuseqarpoq:

Immikkoortorta qarfiit 50-it tungaanut ilaasortallit = 500 kr. Ukiumut
Immikkoortorta qarfiit 100-it tungaanut ilaasortallit = 1000 kr. Ukiumut
Immikkoortorta qarfiit 100-it sinnerlugit ilaasortallit = 1500 kr. Ukiumut
Siumup Inuusuttunut Suleqatigiiffiata partiimut ilaasortaanerminnut akiliutissaat annertussuseqarpoq ukiumut kr. 25,- ilaasortamut ataatsimut.

Imm. 2. Ataani allassimasut avataasigut kinaluunniit partii tunuliaqutigalugu qinigaasoq toqqagaasimasorluunniit akissarsiaqartinneqartoq / kajumissaatisiaqartinneqartoq akissarsiap/kajumissaatisiap akileraarutinut akileereernermi 5 %-ianik partiimut akileraartassaaq. Qinikkat qaammammut akiliutissaat ersarinnerusunngorlugit, sumullu akiliisarnissaat imatut agguataarneqassapput:

Qullersaqarfimmut – Immikkoortorta qarfimmu ilaasortaaffigisamut 50/50

- Inatsisartuni ilaasortat 1000,00 kr.
- Inatsisartut siulittaasuut 2000,00 kr.
- Naalakkersuisuni ilaasortat 2000,00 kr.

Qullersaqarfimmut:

- Folketing-imi ilaasortaq 2000 kr.

Immikkoortorta qarfimmu ilaasortaaffigisamut:

- Borgmesterit 2000 kr.
- Borgmesterip tullii akileraarutinut akileereernermi akissarsiap 5%-ianik.
- Kommunalbestyrelseni ilaasortat 400 kr.
- Kommunalbestyrelse ataatsimiitilialiamilu siulittaasuulluni 500,00 kr.
- Nunaqarfinni siulersuisunut ilaasortat 150 kr.

Imm. 3. Immikkut ittutigut siulersuisuunerit pisinnaatitaapput imm. 1-imi aamma imm. 2-mi pineqartut akiliutit saneqqullugit akiliuteqartitsarnissamut. Siumumut ataqqinaammik ilaasortaatinneqartut ilaasortaanermut partiimullu akileraarummut akiliisinneqartassanngillat.



§ 5. Immikkoortorta qarfiit

Illoqarfinni nunaqarfinnilu immikkoortorta qarfinnik pilersitsisoqartassaaq. Immikkoortorta qarfimik pilersitsineq Siumut partiip siulersuisuunerinut akuerisassanngorlugu saqqummiunneqartassaaq.

Imm. 2. Siulersuisunik pilersitsinissaq tunngavissaqarpat immikkoortorta qarfik pilersinneqarsinnaavoq.

Imm. 3. Immikkoortorta qarfiup oqartussaanerpaartaa tassaavoq ataatsimeersuarneq, minnerpaamik ukiumut ataasiarluni ingerlanneqartartussaq. Ataatsimeersuarnermi ilaasortat akiliisimasut tamarmik peqataasinnaapput taaseqataasinnaallutillu.

Imm. 4. Ataatsimeersuarnerit akornanni peqatigiiffik siulersuisunit ataatsimeersuarnermi qinerneqarsimasunit aqunneqassaaq.

Imm. 5. Immikkut ittumik ataatsimeersuartitsisoqassaaq siulersuisut ilaasortalluunniit 2/3-liisa tamanna allaganngorlugu piumasarippassuk.

Imm. 6. Immikkoortorta qarfinni inatsisinik nalinginnaasunik taamaallaat allannguisoqarsinnaavoq ataatsimeersuarnermi peqataasut taaseqataasinnaasut 2/3 –iisa tamanna aalajangiuppasuk. Allanngineq partiip malittarisassaanut akерliusumik ingerlanneqarsinnaanngilaq. Nalorninermi siulersuisuunernut maalaaruteqartoqarsinnaavoq, siulersuisuunerillu inaarutaasumik aalajangiissapput.

Imm. 7. Siumup immikkoortorta qarfiit immikkoortorta qarfimmi Siumup Inuusuttunut Suleqatigiiffiata ataatsimiititaliassaanik pilersitsisinnaapput.

Imm. 8. Immikkoortorta qarfiit kingusinnerpaamik majimi ileqquusumik ukiumoortumik ataatsimeersuareersimasassapput ukiumullu naatsorsuutitik ataatsimeersuarnerminni akuersissutigereersimasassallugit.

§ 6. Ataatsimut siulersuisoqarfik

Kommunikkaatumik immikkoortorta qarfiit ataatsimut siulersuisunik pilersitsissapput. Ataatsimut Siulersuisut tassaapput, nuna tamakkerlugu ataatsimeersuarnermit qinigaq siulittaasoralugu, kommunimi immikkoortorta qarfiit siulittaasui, taakkuluunniit siulersuisuisa sinniisussamittut toqqagaat.

Imm. 2. Ataatsimut siulersuisut suliassaraat immikkoortorta qarfiit naalackersuinikkut aaqqissuussaanikkullu kommunimi soqutigisaasa kommunalbestyrelsimi il.il. isumagineqarnissaat.

Imm. 3. Ataatsimut siulersuisut oqartussaannersaat tassaavoq Nuna tamakkerlugu ataatsimeersuarneq. Ataatsimut Siulersuisut pisariaqartitsineq naapertorlugu immikkut ittumik ataatsimeersuarsinnaapput. Ataatsimeersuarnermi siulersuisussanik qinersisoqartassaaq, ataatsimut siulersuisoqarfiit pillugit malittarisassani allassimasut naapertorlugit.



Imm. 4. Qullersaqarfimmut nalunaaruteqartussaataasutut Ataatsimut Siulersuisut kommunimut qinersinerni qinigassanngortitsinermut qineqqusaarnermullu akisussaapput, soorlutaaq kommunimi gruppiip suleqatiginissaanut ataatsimut siulersuisut akisussaasut.

Imm. 5. Ataatsimut siulersuisut ingerlatsinermut aningaasartuutaat partiimit akilerneqartassapput.

Imm. 6. Kommunikkaartumik Ataatsimut Siulersuisut siulittaasuat Siumup nuna tamakkerlugu ataatsimeersuarnerani qinerneqarsimasoq, taassumalu sinniisussaa tunuarpat, kommunimi Ataatsimut Siulersuisut akunnerminni siulittaasussaminnik qinersisassapput.

§ 7. Qinigassanngortitsinerit

Qinigassanngortitsinerit immikkoortorta qarfiit suliarisassavaat. Immikkoortorta qarfiit qinigassanngortitatik siulersuisuunernut inassuteqaatigisassavaat. Siulersuisuunerit aamma qinigassanngortitsinnaapput. Siumup malittarisassani § 8-mik naammassinnissimangitsut qinigassanngortinneqarsinnaanngillat.

Imm. 2. Qinigassanngortsittut allassimaffiat siulersuisuunernit akuersissutigineqassaaq.

Imm. 3. Kommunalbestyrelsinut qinigassanngortitsinerni allassimaffik ataatsimut siulersuisoqarfinniit suliarineqassaaq, ataatsimut siulersuisut aamma immikkoortorta qarfiit malittarisassaanni allassimasut naapertorlugit.

§ 8. Taasisinnaatitaaneq qinigaasinnaanerlu

Partiimi tatigisaasutut qinigaasinnaassagaanni ilaasortaanermi akiliutissamik akiliisimanissaq piumasaqaataavoq, takuuk § 2 imm. 4.

Imm. 2. Inuiaqatigiinni qinikkatut pisussaaffinnut tamanut qineqqusaartoqarsinnaavoq
Imm. 1-imi piumasaqaataasumik naammassinnissimagaanni.

§ 9. Ataatsimeersuarneq

Ataatsimeersuarneq Siumut partiip "inatsisiliortoraa" sutigullu tamatigut oqartussaanersaralugu. Ileqqusumik ukiut pingasukkaarlugit ataatsimeersuortoqartassaaq. Ileqqusumik ataatsimeersuarnerni naalakkersuinikkut anguniagassat assigiinngitsut aalajangersarneqartarput, soorlutaaq partiip siulersuisuunerinut qinersisoqartartoq, Siumut Partiillu malittarisassai aalajangersarneqartarlutik.

Immikkorluinnaq allamik pisoqartinnagu, ileqqusumik ataatsimeersuarneq kingusinnerpaamik junimi ingerlanneqartassaaq.

Ileqqusumik ataatsimeersuarternerit akornanni aalajangersimasumik qulequtaqarluni ataatsimeersuarternerit ingerlanneqartassapput. Aalajangersimasumik qulequtaqarluni



ataatsimeersuarnerni oqallinnerit tunngavigalugit aalajangersaasoqartassaaq, ilaasortanit, immikkoortortaqarfinit siulersuisuuneriillu siunnersuutaasut aallaavigalugit.

Imm. 2. Siumut Partii ataatsimeersuarnissai siulersuisuunernit nalunaarutigineqartassapput, siunnersuutinillu ataatsimeersuarnissaq qaammatinik sisamanik sioqqullugu nassiussisoqarsinnaanera immikkoortortaqarfinit nalunaarutigineqarluni. Siunnersuutit taamaallaat ataatsimeersuarnermi aalajangersaavigineqarsinnaapput immikkoortortaqarfinit siulersuisuunernilluunniit akuersissutigineqarsimasut.

Imm. 3. Siunnersuutit ataatsimut katersorneqassapput, ataatsimeersuarnissarlu qaammammik ataatsimik sioqqullugu immikkoortortaqarfinit, ataatsimut siulersuisoqarfinit, ataatsimeersuaqataasussanullu nassiunneqareersimassallutik.

Imm. 4. Immikkut ittumik ataatsimeersuarnermut qaaqqusisoqassaaq siulersuisuunerit tamanna aalajangiuppasuk, imaluunnit immikkoortortaqarfiit affaanit amerlanerusut allaganngorlugu siulersuisuunernut piumasaqarpata. Immikkut ittumik ataatsimeersuarneq aalajangernermit qaammatit pingasut qaangiutsinnagit, imaluunnit piumasaqaatip tiguneraniit qaammatit pingasut qaangiutsinnagit ingerlanneqassaaq.

Imm. 5. Ataatsimeersuarnermi taaseqataasinnaasut tassaapput:

- Siulersuisuunerni ilaasortat
- Inatsisartuni, Naalakkersuisuni, folketingimilu ilaasortaaitat Borgmesterillu
- Partii immikkoortortaqarfii qullersaqarfimmu ukiumoortumik akiliutissaminnik akiliisimasut ilaasortaqaasuseq aallaavigalugu taaseqataasinnaasunik aallartitaqarsinnaapput, amerlanerpaamik pingasunik. Immikkoortoqarfiit 50-it tungaannut ilaasortallit ataatsimik, 50-iniit 100-t tungaannut ilaasortallit marlunnik, 100-niit qummut ilaasortallit pingasunik
- Siumup inuusuttaanit, S.I.S.-imit toqqagaq ataaseq

Imm. 6. Immikkoortortaqarfiit partii nuna tamakkerlugu ataatsimeersuarnerninut peqataatitassatik taakkulu sinniisussaat ataatsimeersuarnermi toqqartassavaat.

Imm. 7. Nuna tamakkerlugu ataatsimeersuarnermut aallartitat § 8 naapertorlugu qinigaasinnaanermut piumasaqaat naammassisimassavaat.

Imm. 8. Uku tamarmik immikkut qinerneqartarput:

- Siulittaasoq
- Siulittaasup tullia, taasumalu sinniisussaa
- Siulittaasup tullia aappaa, taasumalu sinniisussaa
- Siulersuisuunernut ilaasortat pingasut, taakualu sinniisussaat marluk
- Ataatsimut siulersuisoqarfiit siulittaasui tallimat
- Siumup inuusuttaasa suleqatigiiffianni – S.I.S.-mi siulittaasoq toqqagarlu ataaseq.

Qinigassanngortittoq amerlanerussuteqavilluni qinerneqartassaaq. Siulittaasumut qinigassanngortittut marlunnik amerlaneruppata, qinersinermilu qinigassanngortittut arlaannaalluunniit taasisut affai sinnerlugit qinerneqanngippat, nutaamik



qinersisoqartassaaq. Nutaamik qinersisoqaqqinnerani ikinnerpaamik qinerneqartoq peerneqartassaaq. Siulittaasussarsiorluni qinersineq ingerlanneqassaaq qinigassanngortittut marluinnanngorsorlugit, taakkunanngalu amerlanernit qinerneqartoq siulittaasunngussaaq. Siulittaasup tulliinut sinniisissanngortut aamma siulersuisuunernut qinigassanngortissinnaapput.

Imm. 9. Partiimi allattuunerup siulersuisuunerit peqatigalugit naatsorsuutit kukkunersiorneqarsimasut suliassallu pingaarnert allattorsimaffiat ataatsimeersuarnermi oqaluuserineqartussanngorlugit akuersissutigineqartussanngorlugillu saqqummiutissavai.

Imm. 10. Allattuunerup siulersuisuunerillu ataatsimeersuarnermi aalajangersarneqartut tunngavigalugit suliassat anguniagassallu allassimaffiat sularissavaat, ataatsimeersuarnerup kingorna siulersuisuunerit ataatsimeeqqaarnissaannut.

Imm. 11. Naatsorsuutitut kukkunersiuisutut ataatsimeersuarnermi naalagaaffimmit akuerisamik kukkunersiuisumik qinersisoqartassaaq, siulersuisuunerit inassuteqarnerat tunngavigalugu.

Imm. 12. Ataatsimeersuarnermut atasumik angalanermut najugaqarnermullu aningaasartuutit siulersuisuunernit maleruagassiat naapertorlugit partiip qullersaqarfianit akilerneqassapput. Siulersuisuunerit ataatsimeersuariat ataatsimeersuarnermut peqataanerminnut akiliutissaannik aalajangersaasinnaapput.

Imm. 13. Siumut sinnerlugu Inatsisartunut ilaasortat, Naalakkersuisunut ilaasortat kiisalu borgmesterit pisussaapput ataatsimeersuarnermut peqataassallutik. Pineqartut ataatsimeersuarnermut peqataasinnaanngikkunik Siulersuisuunernut allakkatigut tunngavilersukkamik nalunaaruteqartassapput.

Imm. 14. Ataatsimeersuarnermut aallartitat silamik allatigulluunniit pissutissaqavissumik ataatsimeersuarnermi najuussinnaanngippata, videukkut oqarasuaatitigulluunniit peqataanissaat periarfissiissutigineqartassaaq.

§ 10. Siulersuisuunerit

Siulersuisuunerit ataatsimeersuarnermut akisussaallutik sulissapput, partiillu naalakkersuinikkut aaqqissuusaanikkullu ineriartornerani ingerlanneqarneranilu ataatsimeersuarnerit akornanni akisussaasuullutik.

Imm. 2. Siulersuisuunerit ukuupput:

- Siulittaasoq
- Siulittaasup tullii marluk
- Ataatsimut siulersuisoqarfiit siulittaasui tallimat
- Nuna tamakkerlugu ataatsimeersuarternit qinikkat pingasut
- Siumup inuusuttaasa suleqatigiiffianni – S.I.S.-imi siulittaasoq toqqagarlu ataaseq.

Imm. 3. Siumut Partiimi ulluinnarni suliassat naammassineqartarnissaat siunnerfigalugu ulluinnarni aqutsisunik siulersuisuunerit pilersitsissapput.



Ulluinnarni aqutsisut tassaapput:

- Siulittaasoq
- Siulittaasup tullia (naalackersuinikkut suliat ilanngullugit nakkutigisassarai)
- Siulittaasup tulliaata aappaa (aaqqissuussaanicat ingerlatsineq nakkutigisassaraa)
- Siulersuisuunerni ilaasortat akornannit qinikkat marluk

Ulluinnarni aqutsisut suleriaasissaminik suliaqassapput, siulersuisuunernut akuersissutigisassanngorlugu saqqummiunneqartussamik.

Imm. 4. Siulersuisuunerit namminneerlutik siulersuisuunerit ataatsimiittarnerini kikkut taaseqataasinnaatik peqataasassanersut aalajangersartassavaat.

Imm. 5. Siulersuisuunerni ilaasortat ataatsimut siulersuisoqarfinnit sinniisutut qinerneqarsimasut (siulittaasut) ataatsimut siulersuisuni siulittaasutut tunuarunik ingerlaannartumik siulersuisuunernit tunuassapput, siulittaasunngorallartumillu taarserneqassallutik.

Imm. 6. SIS-imit toqqagaq tunuarpat, SIS ilaasortassamik nutaamik toqqaassaaq.

Imm. 7. Siulersuisuunerit minnerpaamik ukiumut marloriarlutik ataatsimiittassapput. Siulersuisuunerit namminneerlutik ulluinnarni sulinerminni maleruagassartik suliarissavaat. Ulluinnarni sulinerminni maleruagassami partiip anguniagaasa, partiip inatsisaasa partiimilu ilaasortat sunniuteqarnissaat siunnerfiussaaq.

Imm. 8. Siulersuisuunerni ilaasortat immikkoortortaqarfinni ataatsimullu siulersuisoqarfiit ataatsimeersuartarnerini peqataasinnaapput, aammalu inatsisartuni gruppip ataatsimiinnerini oqaaseqarsinnaallutik taaseqataasinnaatilli peqataasinnaapput.

Imm. 9. Siulittaasoq qinigaaffiup iluani tunuassagaluarpat siulittaasup tullia siulittaasunngorallassaaq, nutaamik qinersisoqarnissaata tungaanut. Siulittaasup tullia arlaat qinigaaffiup iluani tunuassagaluaruni, qinigaaffiup sinneranut atuuttumik sinniissaminut taarserneqassaaq. Siulittaasut tullia arlaannik tunuaqqittoqassagaluarpat, siulersuisuunerit akunnerminni piffissap qinigaaffiup sinneranut taartaasussamik qinersissapput.

Imm. 10. Atorfeqartitat akissarsiassaasa annertussusissaat atorfeqarnermilu atugassarititaasut allat ulluinnarni aqutsisunit aalajangersarneqartassapput.

Imm. 11. Siulersuisuunerit akisussaaffigaat partiip ataatsimut siulersuisoqarfinni aammalu immikkoortortaqarfinni malittarisassasaanik suliaqarnissaaq, ataatsimeersuarnerni malittarisassat aalajangersakkallu allaat aalajangiunneqarsimasut naapertorlugit.

Imm. 12. Siulersuisuunerit Siumup partiata naatsorsuutai aningaasaqarneralu akisussaaffigaat. Partiimi allattaanerup aningaasartuutissatut missingersuutit suliarisassavai, siulersuisuunernullu 1. december nallertinnagu saqqummiuttarlugit. Ukiut tamaasa qaammatit pingasut siullit iluanni naatsorsuutit kukkunersiorneqarsimasut siulersuisuunernut akuersissutigineqartussanngorlugu saqqummiunneqartassapput.

Imm. 13. Siulersuisuunerit ataatsimeereerneriniit ullut 14-it qaangiutinnginneranni imaqarniliamik Siumup immikkoortortaqarfiisa, Siumup ataatsimut siulersuisuisa, Siumup



Inatsisartunut ilaasortaaitaasa, Siumup Naalakkersuutitaasa, Siumup Folketingimi ilaasortaata, Siumup kommunalbestyrelsini ilaasortaasa kiisalu Siumup borgmesteriutitaasa pissarsiarisinnaasaannik siulersuisuunerit saqqummiussisassapput.

§ 11. Partiip qullersaqarfia aamma atsiorsinnaatitaaneq

Siulersuisuunerit partiimi allattaanertut inissisimasussamik isumaqatigiissuteqarnikkut atorfinitsitsissapput.

Imm. 2. Partiip allattaanera partiip qullersaqarfiani ulluinnarni sulinermi pisortaavoq, siulersuisuunernullu akisussaalluni. Partiimi allattaaneq ulluinnarni aqutsisut suleqatigalugit siunnersortinik allaffissornikkullu sulisunik atorfinitsitsisartuuvoq.

Imm. 3. Partiip qullersaqarfia partiip sullinneqarnerani suliassani tamani allattoqarfiuvoq. Allattoqarfimmi suliassat suliarineqarnissaannut qassinik sulisoqarnissaa siulersuisuunerit aalajangersartarpaat, soorlu allattut immikkoortortanilu ingerlatsisut, aamma qullersaqarfimmi sulisut ilaannakortumik tamakkiisumilluunniit pisortanit aningaasalorsorneqartut eqqarsaatigalugit. Allaffimmi sulisoq ataaseq Siumup Inuusuttunut Suleqatigiiffianut ullup affaa sullissisuusaaq.

Imm. 4. Partiimi allattaaneq ataatsimut siulersuisoqarfinni inissisimasussanik sulisussanik atorfinitsitsisinnaavoq.

Imm. 5. Partiip allattaanera naatsorsuuserinermut siulersuisuunernut akisussaavoq, aammattaq aningaasanut qullersaqarfianit ataatsimut siulersuisoqarfinni atugassanngortinneqartunut. Ataatsimut siulersuisoqarfinni aningaasartuutit partiip naatsorsuutaani immikkut takuneqarsinnaanngorlugit suliarineqartassapput.

Imm. 6. Partii siulittaasumit allattaanermillu atsiugassatigut akisussaaffigineqarpoq, imaluunniit siulersuisuunernut ilaasortanit pingasunit ataatsimut atsiogatigiittunit. Siulersuisuunerit aalajangererat tunngavigalugu nalilinnik pisiniarnerit, tuniniaanerit, qularnaveeqqutitullu pigisanik nalilinnik sillimmasiinerit ingerlanneqartassapput.

§ 12. Ilaasortaajunnaarsitsineq

Partiimi ilaasortanik ilaasortaajunnaarsitsinerit immikkoortortaqarfinit isumagineqarsinnaapput, ataatsimeersuartuni taaseqataasinnaasut 2/3-init akuerineqartumik ingerlanneqarunik.

Imm. 2. Kommunalbestyrelsimut inatsisartunulluunniit ilaasortanik ilaasortaajunnaarsitsinnissamik siunnersuuteqartoqartillugu isumaqatigiissitsiniaanermi ataatsimiititaliaq, § 16 imm. 1 naapertorlugu pilersinneqartoq akuliunneqartassaaq.

Imm. 3. Siulersuisut ataatsimeersuarnissaaq sioqqullugu ilaasortaajunnaarsinneqartussatut siunnersuutigineqartoq siunnersuutigineqartulluunniit allaganngorlugu nalunaarfigissavaat siunnersuummik taama ittumik suliaqartoqartoq, pineqartorlu



imaluunniit pineqartullu ataatsimeersuarnermi apeqqutip oqaluuserineqarnerani peqataanissamut periarfissinneqassapput.

Imm. 4. Ilaasortat ilisimatinneqassapput ilaasortaajunnaarsitsisinissamik apeqqut oqaluuserisassaniittoq.

Imm. 5. Immikkut ittutsigut siulersuisuunerit ilaasortaajunnaarsitsisinnaapput. Taamaaliortoqannginneranili immikkoortorta qarfik ilaasortaaffigineqartoq akulerunneqassaaq. Ilaasortaajunnaarsitsiniarneq immikkoortorta qarfimmu tamatigut allaganngorlugu nassuiarneqartassaaq.

Imm. 6. Ilaasortaajunnaarsitsinerit ilaasortanngortitseqqinnerillu tamarmik atortinneqarsinnaapput aatsaat siulersuisuunernit akuersissutigineqarsimagunik.

Imm. 7. Siulersuisuunerit aalajangererat partiimi susasaqartunit tamanit ataqpineqartussaavoq, ataatsimeersuarnermillu taamaallaat allanngortinneqarsinnaalluni. Partiimi allattaanerup immikkoortorta qarfiit tamaasa allakkatigut ilaasortaajunnaarsinneqartoq/tut pillugu ilisimatissavai. Ilaasortaajunnaarsitsineq atorunnaarsinneqarsimangippat immikkoortorta qarfimmi allami ilaasortanngortoqarsinnaangilaq.

Imm. 8. Immikkoortorta qarfimmi siulittaasoq pisussaavoq ataatsimeersuarnermi ilaasortaajunnaarsitsinermik aalajangersaaffiusumiit kingusinnerpaamik ullut arfineq pingasut qaangiunneranni siulersuisuunerit allakkatigut ilisimatissallugit. Allakkani ilaasortaajunnaarsitsinermut tunngaviusut nassuiarneqassapput, soorluttaaq ataatsimeersuarnermi ilaasortaajunnaarsitsinermi taasinerit il.il. nassuiarneqassasut.

Imm. 9. Immikkoortorta qarfimmi siulittaasup pineqartoq/tut ilisimatissavai, immikkoortorta qarfiup ataatsimeersuarneraniit ullut 14-it qaangiutinnagit siulersuisuunernut maalaaruteqarsinnaasoq/-sut.

§ 13. Kommunini Siumup gruppiini maleruagassat

Kommunini Siumut sinnerlugu kommunalbestyrelsini marlunnik amerlanerusunilluunniit sinniisoqarfiusuni taakkua suleqatigiiffissaminnik gruppiliussapput. Gruppimi siulittaasumik qinersisoqassaaq (pisariaqarpallu tullissaanik aammalu allattussamik). Gruppimi aalajangerneqartartut pillugit allattaavinni naatsumik imaqarniliortoqartassaaq.

Imm. 2. Kommunimut qinersinerup kinguninngua partiip kommunimi ataatsimut siulersuisut Siumullu sinnerlugu kommunimi qinigaasut katersuutissapput, qinersinerup inernera oqaluuseriniarlugu, aammalu qinersinerup kingunerisaanik sulinerup ingerlaqqinnissaa, partiinut allanut suleqatigiinnulluunniit allanut isumaqatigiinniartoqassanersoq, suleqatigiinnermut isumaqatigiissuteqartoqarsinnaanera il.il. pillugit. Ataatsimiigiasineq ataatsimut siulersuisut siulittaasuannit partiip qullersaqarfia suleqatigalugu isumagineqassaaq.

Imm. 3. Kommunilbestyrelsip ataatsimiinnissai tamaasa sioqqullugit kommunimi gruppimi ilaasortat naapittassapput. Gruppimi ataatsimiinnerni ataatsimut siulersuisut



sinniisoqartassapput. Kommunimi gruppi ataatsimullu siulersuisoqarfik ilaasortallu aalajangigassani pingaaruteqartuni aalajangiinginnerni isumasiortassavaat.

Imm. 4. Gruppimi siulittaasup suliassat ullormut oqaluuserisassani nalunaarsorneqarsimasut paasissutissartai ilanngullugit gruppimi saqqummiuttassavai. Suliassap oqaluuserineqarneranut atasumik gruppi suliamut tunngasumik isummertassaaq. Gruppimi aalajangiunneqarsimasut saneqqullugit isummertoqarsinnaanera periarfissaqartinneqarpoq, sioqqutsisumik tamanna gruppi mut nalunaarutigineqarsimappat, imaqarniliamilu allanneqarluni.

Imm. 5. Kommunimi gruppi tamakkiisumik akisussaavoq kommunimi suliassanut sunulluunniit isummernerminut. Taamaattumillu gruppimi isummerneq suliassani pineqartuni aalajangiisuusaaq.

Imm. 6. Ilaasortaq partiimi allami qinigassanngortitseqatigiinniluunniit allani qinigassanngortinnikuusimasoq taamaallaat gruppimi ilaasortanngortinneqarsinnaavoq, gruppi aammalu ataatsimut siulersut ataatsimiinneranni taasinikkut 2/3-imik amerlanerussuteqartumik tamanna akuersissutigineqarpat. Tamannalu siulersuisuunernut nalunaarutigineqassaaq.

Imm. 7. Gruppimi ilaasortamik ilaasortaajunnaarsitsineq taamaallaat atortussaatinneqarsinnaavoq sumiiffimmi oqartussaanerpaanit (ataatsimeersuarnermi) akuerineqarsimaguni. Partii siulersuisuunerisa ilaasortaajunnaarsitsineq akueriqqaassavaat. Ilaasortaajunnaarsitsiniarneq sumiiffimmi oqartussaanerpaanit (ataatsimeersuarnermit) suliarineqartinnagu kommunimi isumaqatigiissitsiniaanermi ataatsimiititaliaq akulerunneqqaassaaq. Ilaasortaajunnaarsitsineq piffissami qinigaaffimmi atuutissaaq. Gruppimi ilaasortaq gruppimi ilaasortaajunaarsinneqarpat imaluunniit gruppi qimappagu kommunalbestyrelsimili inissisimaannarluni, Siumumi ilaasortaaneq atorunnaassaaq.

§ 14. Siumup Inatsisartuni gruppia

Siumup Inatsisartuni gruppia tassaavoq Siumup Inatsisartuni qinigassanngortitaanit Inatsisartunut qinigaasimasut, aammalu ilaasortat ilaannut sinniisussatut isersimasut. Siumup Inatsisartunut gruppiani aamma ilaasortaapput Siumup naalakkersuisuni ilaasortaaitai, Inatsisartuni ilaasortaangitsut. Ilaasortaq partiimi allami qinigassanngortinneqarsimasoq taamaallaat gruppimi 2/3-init akuerineqarnermigut, aammalu siulersuisuunernit tamatuma taparserneqarneratigut Siumup gruppiani ilaasortanngorsinnaavoq.

Imm. 2. Inatsisartunut qinersinerup kinguninngua partii siulittaasuata piaartumik partii siulersuisuuneri inatsisartunilu ilaasortaaitat qinersinerup inernera kingunerisassaalu pillugit ataatsimiigiaqqussavai, tassunga ilanngullugu partiinut allanut isumaqatigiinniarnissaq.

Imm. 3. Inatsisartuni gruppi qinersinerup kingorna ataatsimeeqqaarnermini, ileqqusumillu ataatsimiinnerit aallartinneri tamaasa akunnermini siulersuisussanik qinersisassaaq. Siulersuisunut qinigaasut akornannit toqqaasoqartassaaq partii



qullersaqarfianut ikiuulluni partiimut akileraarutit eqqortumik akilerneqartarnissaannik nakkutilliisussamik. Partiip siulittaasua gruppip siulersuisuini inunnguuseralugu ilaasortaasaaq, allatut ilaasortassatut qinigaasimannikkuni. Partiimi siulittaasup tullii partiimilu allattaaneq gruppimi siulersuisut gruppillu ataatsimiittarnerini peqataasinnaatitaapput. Gruppimi siulittaasup isumagissavaa gruppip inatsisartuni ataatsimiititalianilu suliasat pillugit katersortinneqartarnissaa isumasioqatigiittarnissaalu. Gruppip gruppimilu siulersuisut ataatsimiittarnerannit naatsumik imaqarniliortoqartassaaq.

Imm. 4. Siumup inatsisartuni gruppia siulersuisuunerillu minnerpaamik ukiumut marloriarlutik Inatsisartuni suliat pillugit naapittassapput. Tamatuma saniatigut pissusissamisuusaaq Inatsisartuni aalajangersagassat pingaaruteqartut pillugit siulersuisuunerit isumasiorneqartarnissaat.

Imm. 5. Gruppimi ilaasortamik tunuartitsisoqarsinnaavoq aatsaat tamanna siulersuisuunernit akuersissutigineqarpat. Tunuartitsisoqarpat imaluunniit gruppimi ilaasortat ilaata Siumup gruppia qimappagu, inatsisartunili ilaasortaaginnarluni, taava Siumumi ilaasortaaneq atorunnaarsinneqassaaq.

§ 15. Folketingi

Siulersuisuunerit aalajangertarpaat Siumut sinnerlugu kikkut folketingimut qinigassanngortinneqassanersut.

Imm. 2. Siumut sinnerlugu folketingimut qinigassanngortitassat qinigassanngortinnerminni allagartaat akueralugit partiip siulittaasuata, siulittaasullu peqannginnerani tulliisa arlaata atsiortassavai.

Imm. 3. Siumup folketingimut qinigaatitaasa sulinerminni siulersuisuunerit qanimut suleqatigisassavaat, folketingimilu suleqateqarnissami aaqqissuussinissaq pillugu siulersuisuunerit qanimut isumaqatigiissuteqarfigineqartassapput.

§ 16. Nuna tamakkerlugu atuuttumik isumaqatigiissitsiniaasartut

Ataatsimiititaliaq siulersuisuunernit toqqarneqassaaq, pingasunillu ilaasortaqarluni.

Imm. 2. Ataatsimiititaliap suliasaraa Siumup sinniisoqarfinni ilaasortaajunnaarsitsiniarnerni isumaqatigiissitsiniaasarneq.

Imm. 3. Ilaasortaajunnaarsitsiniarnermut tunngasumik suliami isumaqatigiittoqarsinnaanngippat, ataatsimiititaliaq nassuiaasiussaaq, namminneq paasinninnertik naapertorlugu suliaq qanoq isikkoqarnersoq pillugu, partiip siulersuisuunerinut ingerlanneqartumik, siulersuisuunerit ilaasortaajunnaarsitsisoqassanersooq isumminnginneranni.



§ 17. Immikkut aalajangersaanerit

Partiimi allattaaneq partiimilu atorfillit kommunalbestyrelsinut inatsisartunullu qinersinerni qinigassanngortinneqarsinnaapput. Kisiannili atorfimminnit tunuartariaqassallutik kommunalbestyrelsimut inatsisartunulluunniit qinigaagunik.

Imm. 2. Siulersuisuunerit misileraalluni ineriartortitsillunilu ingerlatsinissanik akuersissuteqarsinnaapput, partiip inatsisaanut naapertuutinngitsunik. Misileraalluni ineriartortitsillunilu ingerlatsinerit partiip qullersaqarfianit aqunneqassapput.

Imm. 3. Siumut Partiip malittarisassaanik saneqqutsineq taamaallaat pisinnaavoq siulersuisuunerit ataatsimeersuarnermit piginnaatitsissummik tunngavilimmik akuersissuteqarnerat tunngavigalugu. Malittarisassanik saneqqutsineq partiip inatsisaanut akerliusuussanngilaq.

§ 18. Malittarisassat akuersissutigineqarnerat

Siumut Partiip malittarisassai nutaat Qasigiannuani ataatsimeersuarnermi juulip ulluisa 30-anni ukioq 2023 akuersissutigineqarput. Tamatuma kingunerisaanik Immikkoortortaqarfiit malittarisassaanni allannguutaasumut naleqqussaanissamut siulersuisuunerit nutaat pisinnaatinneqarput.

Erik Jensen
Siulittaasoq

Ole Aggo Markussen
Allattaaneq